



INSTITUTE FOR
YOUTH RESEARCH
MALAYSIA

KAJIAN SOSIALISASI POLITIK: ASPIRASI DAN KENEGARAAN DALAM KALANGAN BELIA MALAYSIA

Bagi laporan penuh kajian, sila layari portal IYRES

PENGENALAN

- Agenda pembangunan belia Malaysia perlu melibatkan peluang dalam membentuk karakter dan kerangka minda belia yang berwibawa bagi menghadapi cabaran dari segi sosial, politik serta ekonomi.
- Selain itu, dapata menunjukkan golongan belia kurang mengikuti perkembangan politik dan mereka juga jarang berbincang mengenai isu politik (Institut Penyelidikan Pembangunan Belia Malaysia, 2023). Justeru, wujud keperluan untuk memahami fenomena ini dalam konteks proses sosialisasi politik yang turut membawa kepada partisipasi politik.



OBJEKTIF KAJIAN


- 1 Meneroka proses sosialisasi politik dalam kalangan belia di Malaysia;
- 2 Meneroka pemahaman tentang demokrasi dalam kalangan belia di Malaysia;
- 3 Meneroka aspirasi belia berkaitan sosialisasi politik di Malaysia;
- 4 Meneroka aspirasi belia berkaitan demokrasi di Malaysia; dan
- 5 Membangunkan indikator pengukuran sosialisasi politik dan demokrasi belia di Malaysia.

SYOR & CADANGAN

Mengoptimumkan sistem pendidikan sebagai wadah literasi politik



Memperkasakan peranan agensi dan kementerian dalam memberi maklumat yang jelas dan telus



Memanfaatkan penggunaan platform media sosial bagi menarik keterlibatan belia



Polisi dan peraturan bagi wakil rakyat digubal untuk penambahbaikan




Memperbanyakkan program pendidikan politik oleh pemegang taruh pembangunan belia



METODOLOGI KAJIAN



Kaedah kualitatif melalui Focus Group Discussion (FGD)



Melibatkan 41 informan belia dan 28 informan pelaksana berdasarkan Dasar Belia Malaysia



Lokasi FGD di enam zon seluruh Malaysia iaitu zon utara, selatan, timur, tengah, Sabah dan Sarawak

DAPATAN KAJIAN

1 Ibu bapa atau keluarga merupakan ejen sosialisasi utama kepada belia. Guru, rakan sekeliling, media sosial, dan pengaruh pemimpin sedia ada turut menjadi ejen sosialisasi politik sama ada secara langsung ataupun tidak langsung.

2 Antara faktor belia tidak mahu terlibat dengan politik adalah kerana mereka merasakan tidak dipedulikan dan pandangan yang dikongsikan oleh mereka tidak diindahkan oleh pemimpin. Selain itu, belia juga merasakan kerenah ahli politik yang tidak bertanggungjawab mencemarkan imej negara dengan beberapa isu hangat yang mendapat perhatian media dari dalam dan luar negara. Selain itu, belia yang tidak aktif berpersatuan juga cenderung untuk tidak mengambil tahu mengenai politik.

3 Secara umumnya, pengetahuan informan terhadap isu-isu belia dan penyertaan belia dalam amalan demokrasi di Malaysia hari ini ada dan pada tahap yang baik. Kelebihan belia hari ini ialah mereka ada akses untuk pelbagai sumber dan maklumat bagi membina pengetahuan berkaitan demokrasi dan kenegaraan.

4 Dari perspektif informan, ruang dan peluang mereka masih terhad dalam amalan demokrasi di Malaysia. Mereka menyarankan agar belia perlu dilibatkan dalam merangka polisi atau dasar awam berkaitan belia. Ini kerana belia adalah salah satu pihak berkepentingan dalam pembinaan negara bangsa. Oleh itu, suara mereka perlu didengar dan tidak boleh dipinggirkan dalam menyuburkan amalan demokrasi di Malaysia. Belia juga mahukan lebih ramai wakil mereka di Parlimen Malaysia dan bukan 'kitar semula' pemimpin yang sama.

5 Proses sosialisasi politik di kalangan informan dipengaruhi oleh peranan yang dimainkan oleh pemegang taruh belia. Maka, setiap persatuan, parti politik, NGO, agensi dan kementerian yang mempunyai peranan dalam pembangunan belia perlu menjalankan fungsi mereka bagi membantu dalam proses literasi politik yang berterusan kepada belia. Pemegang taruh belia adalah sistem sokongan yang penting bagi belia dalam membentuk individu yang berpengetahuan dan membangun dari segala aspek.

Ikuti Kami
IYRESKBS



info@igres.gov.my
www.igres.gov.my

SUMBER :

INSTITUT PENYELIDIKAN PEMBANGUNAN BELIA MALAYSIA (IYRES), 2023